

長沙縣學宮志卷一

康熙二十六年

御製孔子贊并序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勛哉令圖溯源

洙泗景躅唐虞載厯庭除式觀禮器摛毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖

康熙二十八年

御製四配贊

顏子贊

聖道蚤聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

長沙縣學宮志

卷一

御製贊碑

二

曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂成統緒
修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭愼獨成德之門卷之藏密
擴之無垠

孟子贊

哲人旣萎楊墨昌熾子輿闢之曰仁曰義性善獨闡知言

養氣道稱堯舜學屏功利煌煌七篇竝垂大藝孔學攸傳
禹功作配

乾隆十三年

御製四配贊並序

聖門弟子三千其賢者七十有二人史記家語各爲紀其
姓氏考其事迹以垂之後世而能契夫子之心傳得道統
之正脈者則惟顏會思孟四人顏子得克己復禮之說會
子與聞一貫之傳親炙一堂若堯舜禹之相授受夔乎尙
矣子思師事會子發明中庸之道而歸其功於爲己謹獨
孟子當戰國橫流之時私淑子思距楊墨閑聖道而養氣
之論爲前聖所未發昌黎韓子以爲其功不在禹下有以
也庚戌秋偶閱有宋諸儒傳因思宋儒所宗者孔子之道
也孔子之道賴顏會思孟而傳今聖廟祀典四子升配堂
上爲百代之楷模因各繫以贊用志景行之私云爾

復聖贊

貧也者吾不知其所惡壽也者吾不知其所慕德以潤身
孰謂其貧心以傳道孰謂難老簞瓢陋巷至樂不移仰高
鑽堅三月無違夫子有言克己成性用致其功允成復聖

宗聖贊

宣聖轍環在陳興歎孰是中行授茲一貫會子孜孜惟聖

依歸唯而不疑以魯得之會友輔仁任重道遠十傳釋經
超商軼偃念彼先子沂水春風淵源益粹篤實春容臨深
履薄得正以終三千雖多獨得其宗

述聖贊

天地儲精川嶽萃靈是生仲尼玉振金聲世德作求孝孫
維則師曾傳孟誠身是力眷茲後學示我中庸位天育物
致和致中夫子道法堯舜文武紹乃家聲述乃文祖

亞聖贊

戰國春秋又異其世陷溺人心豈惟功利時君爭雄處士
橫議爲我兼愛簧鼓樹幟魯連高風陳仲廉士所謂英賢
長沙縣學宮志 卷一 御製贊碑 四
不過若是於此有人入孝出悌一髮千鈞道脈永繫能不
動心知言養氣治世之略堯舜仁義愛君澤民惓惓餘意
欲入孔門非孟何自孟丁其難顏丁其易語默故殊道無
二致卓哉亞聖功在天地

雍正元年

上諭追封孔氏五代

至聖先師孔子道冠古今德參天地樹百王之模範立萬世之宗師其爲功於天下者至矣而水源木本積厚流光有開必先克昌厥後則聖人之祖考宜膺褒封所以追遡前徽不忘所自也粵稽舊制惟孔子之父叔梁公於宋眞宗時追封啓聖自宋以後歷代遵循而叔梁公以上則尙未加封號亦未奉祀祠庭朕仰體

皇考崇儒重道之盛心備崇德報功之典禮意欲追封五代並享蒸嘗用伸景仰之誠庶慰羹牆之慕內閣禮部可會

長沙縣學宮志

卷一

御製冊封

五

同確議具奏

雍正二年

冊封先師五代爲王更啓聖祠曰崇聖

冊曰右文稽古思統緒之相承重道尊師溯淵源於自遠舉
千秋之曠典蘋藻維馨超五等之崇封絲綸式煥緬維先
師孔子之五世祖木金父公系本殷朝居從魯國治惟尙
質傳樸素之舊風貴而彌恭守謙和之家法積功累行聿
宏毓聖之基貽慶鍾祥遂極生民之盛朕初登大寶欽想
前規欲伸景仰之誠用議顯揚之制特追封爲肇聖王錫
之冊命於戲克昌厥後永立人倫之宗有開必先並膺素

王之號服茲嘉命垂示無窮

冊曰道高聖域宜推師表之源恩浹儒宗用廣尊崇之典擬
王封而晉秩禮軼古今定鴻號而加稱榮增洙泗緬維先
師孔子之高祖祈父公系出嫡宗望隆宋國姓分公族爲
孔氏之再傳瑞啓聖人逮宣尼而闕出溯淵源於累葉知
德盛而世昌鍾靈秀於一人實教尊而功溥朕羹牆至聖
寤寐前徽思敬禮之加隆必恩綸之及遠特追封爲裕聖
王錫之冊命於戲袞衣端冕視躬桓蒲穀而彌尊春禴秋
嘗與鳧繹龜蒙而並久膺茲寵命永荷鴻休

冊曰聖人覺世道有開而必先王者尊師禮必隆於所自備

長沙縣學宮志

卷一

御製冊封

六

顯揚之典用煥千秋申嚮往之誠特超五瑞緬維先師孔
子之曾祖防叔公殷朝賢裔魯國儒宗潛德彌彰守高曾
之矩矱貽謀自遠蘊詩禮之淵源聿開天縱之能四科立
教爰啓時中之聖一貫傳心朕寶厯初膺前徽是式溯儀
型而景仰加名號以褒崇特追封爲詒聖王錫之冊命於
戲俎豆常新峻秩與尼山並峙絲綸誕賚恩光與泗水常
流永荷崇嘉昭垂無斁

冊曰化民善俗道首賴乎師資累行積功誼應推夫祖德闕
再傳而誕聖垂裕貽謀超五等而加封創興盛典緬維先
師孔子之祖伯夏公東山毓秀泗水鍾靈生秉禮守義之

邦漸摩既久奉崇信尊賢之訓漏迪尤深集慶在躬早兆
四科之教克昌厥後遂開萬世之蒙朕寶厯初膺景行彌
切推降祥之有自念顯號之宜加特追封爲昌聖王錫之
冊命於戲溯尼山之世澤茂績丕昭崇闕里之家聲斯文
益振服茲嘉命永式光榮

冊曰達天盡性溯道統之攸傳崇德報功體孝思之不匱惟
誕生夫睿哲遂永樹乎師模用賁徽章特升峻秩緬維先
師孔子之父叔梁公望重魯邦業傳鄒邑秉姿勇毅垂史
傳之盛名積慶悠長衍家庭之令緒感殊祥於闕里兆啓
素王微靈應於尼山運鍾至聖粵從前代顯贈上公當茲
長沙縣學宮志

卷一

御製冊封

七

續緒之初更擬推恩之典特追封爲啓聖王錫之冊命於
戲澤惟裕後聿宏作述之規善則歸親宜極尊榮之禮儀
型如在嘉命是承

康熙二十六年

御製闕里孔子廟碑文

朕惟道原於天宏之者聖自庖犧氏觀圖書象闡乾坤之
祕堯舜理析危微厥中允執禹親受其傳湯與文武周公
遞承其統靡不奉若天道建極綏猷復乎尚矣孔子生周
之季韋布以老非若伏羲堯舜之聖焉而帝禹湯文武之
聖焉而王周公之聖焉而相也歸然以師道作則與及門
賢哲紹明絕業教思所及陶成萬世是伏羲堯舜禹湯文
武周公之統惟孔子繼續而光大之矣閱嘗誦習詩書之
所刪述大易之所演繫春秋之所筆削禮樂之所修明本
末一貫根柢萬有殆與覆載合其德日月並其明四時寒
暑協其序焉故曰仲尼之道一天道也朕敬法至聖景仰
宮牆嚮往之誠弗釋寤寐歲甲子十有一月時邁東魯躬
詣曲阜展修祀事復謁聖墓循撫松栝儀型在望優乎至
德之親人也朕忝作君啓闢下民深惟夫子師道所建百
王治理備焉舍是而圖邳隆曷所依據哉因勒文於石彰
朕尊崇聖教以承天治民之意系以辭曰

遐哉三五維辟之式於皇尼山師道允植天畀木鐸覺彼
羣生百行以正六籍以明賢邁唐虞聖則河洛綏來動和
文博禮約鳳衰雖歎麟德感祥學昌洙泗統歸素王炎漢

崇儒少牢用享厥後賢君高山是仰予懷至聖涖彼東方
音徽云邈道德彌光鬱鬱瑩林峩峩祠殿企慕安窮羹牆
如見泰岱匪高東海匪深敬仰懿軌終古是欽

康熙三十八年

御製重修闕里孔子廟碑文

朕惟大道昭垂堯舜啓中天之聖禹湯文武紹危微精一
之傳治功以成道法斯著至孔子雖不得位而贊修刪定
闡精義於六經祖述憲章會眾理於一貫爲往聖繼絕學
爲萬世正人心使堯舜禹湯文武之道燦然丕著於宇宙
與天地無終極焉誠哉先賢所稱自生民以來未有盛於

長沙縣學宮志

卷一

御製廟碑

九

孔子者也往歲甲子朕巡省東方躬詣闕里登聖人之堂
祇將祀事睹其車服禮器金石絃歌蓋徘徊久之不能去
焉顧聖廟多歷年所丹雘改色椽桷漸圯用是愍然於心
特發內帑專官往董其役鳩工庀材重加葺治經始於辛
未之夏竣事於壬申之秋廟貌一新觀瞻以肅蓋深惟孔
子之道垂範今古朕願學之志時切於懷每考天人性道
之原修齊治平之要思以遠紹前緒牖迪生民凡所以尊
崇褒顯者靡不隆禮竭誠以將景行仰止之意而況廟庭
之地尤爲聖人神明所憑依者哉今者登堂而陳俎豆入
室而習禮儀營構旣堅采章彌煥庶幾於朕心深有慰焉

用是特遣皇子允祉敬展禋祀以告落成凡我臣民瞻仰
宮牆倍增嚴翼尙益思敦崇德義砥礪倫常以不負朕尊
師重道之意豈不休歟因勒貞石系以辭曰
麟書啓瑞素王挺生上律下襲玉振金聲範圍百代陶甄
萬類道備中和德參天地立型垂訓師道昭宣象懸七曜
海納百川曩巡東魯臨河登岱峩峩尼山羹牆斯在虔恭
展謁至德是欽宗風溥博教澤閎深洙泗之陽殿寢翼翼
上棟下宇神靈安宅冬官特飭締造維新宏規大啓肅奉
明禋聖人之居永以觀德千載傳心四方式則

雍正八年

長沙縣學宮志

卷一

御製廟碑

十

御

製重修闕里孔子廟碑文

朕惟

上帝垂佑烝黎篤生至聖先師孔子以仁義道德啓迪萬世
之人心而三綱以正五倫以明後之繼天御宇兼君師之
任者有所則倣以敷政立教企及乎唐虞三代之隆大矣
哉聖人之道其爲福於羣黎也甚溥而爲益於帝王也更
宏宜乎尊崇之典與天地同其悠久也曲阜廟庭爲孔子
里宅毓聖鍾靈之地神爽式憑明禋祇肅廟貌崇闕由周
而來久且加盛我

皇考聖祖仁皇帝德符元化悟澈性天自義農堯舜禹湯文

武周公之道集成於孔子者一一體於身心宣爲政治聖
統在上應運而承康熙甲子東巡狩

臨幸闕里謁奠廟林殷禮隆儀漢唐莫及朕躬膺丕緒志切
羹牆卽位之初加封先師五代王爵詣雍釋菜題額歌詩
佩德報功之願夙夜罔釋於懷雍正二年闕里聖廟不戒
於火有司奏告悚惕靡寧朕詣廟致祭旋發帑興修命大
臣專董厥役殿廡規模悉準宮闕製器備物亦令繪圖呈
式裁酌協宜數年來諄諭執事臣寮經營周至纖毫無憾
始愜朕衷七年冬有司具奏大成殿上梁前二日慶雲見
於曲阜合詞稱瑞朕以天人感應理固不爽而誠敬微忱
長沙縣學宮志

卷一

御製廟碑

十一

詎能邀

上帝先師之垂鑑用是祇將祀事倍增試額俾普天率土被
聖人之德化者同心感慶庶足以廣教澤而答嘉庥而撫
躬警勉恒朝夕懍懍焉朕嘗謂帝王之尊聖尊其道也尊
其道貴行其道居行道之位而能擴充光大達之政令修
齊平治得其要紀綱法度合其宜禮樂文章備其盛舉凡
聖道之未行於當時者悉行於後世雖去聖久遠而心源
相接不啻親授於一堂之上默證於千載之前如是而欽
崇褒顯悉由於中心之誠服而治化日盛聖道斯尊且夫
聖人之道一天道也天以牖民之責屬之聖人刪定贊修

代天宣教彝倫敦敘禮法彰明後之帝王奉其道以治世
師承罔斁資益良多然則尊天尊聖理原合一今茲之崇
禮至聖正所以欽若

昊天而於修建廟庭之重典有不至誠至敬者哉朕勤求上
理宵旰孜孜冀以仰述

皇考之鴻模丕揚先師之厚澤爰敬推

上天篤生聖人與聖人承天立教垂憲奕世之意勒文碑石
以昭示臣民於無極而系以辭曰

天心覺世聖治承天治法道法聖聖相傳三五之隆以道致
治峻德宏昭豐功遠被聞知續統至聖挺生中天復旦文

長沙縣學宮志

卷一

御製廟碑

十三

教昌明經緯三才陶鎔萬象體具中和功侔參兩表揚六
籍程式五常如會滄海若揭秋陽惟我

皇考聰明睿知苞蘊圖書匯宗洙泗德與聖合禮爲道崇升
堂容肅過里恩隆緒纘朕躬勤圖紹述至訓煌煌箴銘宥
密維皇建極維聖時中古今雖邈心理攸同作帝王師與
天地配開闢一人神靈如在奕奕新廟輝映尼陽金絲在
御車服盈堂煥乎天文五雲示慶錫祐者

天承庥者聖敢云瑞應鑑厥微忱普祈洪貺永福編氓文治
光華日星晶麗木鐸揚聲垂億萬世

乾隆十三年

御製闕里孔子廟碑文

朕惟至聖先師孔子天縱聖仁躬備至德修明六籍垂訓萬世自古聖帝明王繼天立極覺世牖民道法之精蘊至孔子而集其大成後之爲治者有以知三綱之所由以立五典之所由以敘八政之所由以措九經之所由以舉五禮六樂之所由以昭宣布列於天地之間遵而循之以仰溯乎古昔雖堯舜禹湯文武之盛弗可及已而治法賴以常存人道賴以不泯詎不由聖人之教哉往代表章尊禮隆重亦越我朝備極其盛當

皇祖聖祖仁皇帝甲子之歲東巡闕里躬謁殿庭盛典喬皇

長沙縣學宮志

卷一

御製廟碑

十三

垂於冊府

皇考世宗憲皇帝追晉王封鼎新廟貌崇敬誠切瑞應章顯實由心源孚契先後同揆惟

聖人能知聖人所由躋海宇於蕩平仁壽之域也朕自養德書齋服膺聖教高山景行之慕寤寐弗釋於懷嗣統以來仰荷

天庥海宇乂安用舉時巡之典道畿甸歷齊魯登夫子廟堂躬親盥獻瞻仰睟儀展敬林墓徘徊杏壇循撫古檜穆然想見盛德之形容愾乎若接夫聞聖人之風誦其詩讀其書皆足以觀感興起況親陟降其庭觀車服禮器得見宗

廟百官之美富有不益增其嚮慕俛焉而弗能自己者歟
朕撫臨方夏惟日兢兢期與斯世臣民率由至道敷教澤
於無疆顧德弗類於衷歎焉恭繹

兩朝碑刻之文益以知道德政治體用一源顯微無閒慕聖
人之德而不克見之躬行者非切慕也習聖人之教而不
克施之實政者非善學也法

祖尊師固無二道用勒石中唐志鑽仰服習之有素思以繼
述

前徽酬願學之初志云敬系以辭曰

皇矣至聖代天覺民天何言哉聖人是申立人之極曰義

長沙縣學宮志

卷一

御製廟碑

十四

與仁建治之統曰明與新聖謨洋洋祖述憲章配天廣運
應地無疆四時遞嬗日月貞明濯以江漢暴以秋陽泱泱
東海巖巖岱宗於穆聖德疇與絜崇巍乎聖功疇與比隆
循之則治彌暢皇風仰稽令辟展敬尊師過魯祀牢炎祚
開基宮牆翼翼魯壁金絲蒼檜鬱鬱殷楹鼎彝

皇祖

皇考聖智達天探脈道要孚契心源豐碑虬護巨榜鸞鷲上
繼三五一中允傳願惟寡昧仰紹先型時邁自東祗謁廟
庭洋洋盈耳玉振金聲若弗克見時殫予誠見聖匪艱由
聖則難弗克由聖孰圖治安亦既蒞止觀止是嘆摛辭表

志乾隆戊辰

乾隆三十四年

御製重修太學孔子廟碑文

舉江淮河濟以贊海吾知其不知海舉嵩岱恆華以贊地吾知其不知地然則舉道德仁義以贊孔子者其亦類於是乎夫江淮河濟豈不爲海所納而不足以形海之大然海固不拒江淮河濟以爲水也嵩岱恆華豈不爲地所載而不足以究地之厚然地固不讓嵩岱恆華以爲土也道德仁義豈不爲孔子所垂而不足以盡孔子之道然孔子固不外道德仁義以爲教也教之義始見於虞書而未有長沙縣學宮志

卷一

御製廟碑

五

定所夏校殷序周庠學則三代共之是國學所昉夫三代既有學亦必有教而吾以爲孔子立道德仁義之教者何蓋三代以前之教非孔子不明三代以後之教非孔子不立亦猶江淮河濟非海不納嵩岱恆華非地不載道德仁義非孔子不垂也國學始於元太祖置宣聖廟於燕京由元及明代有損益修葺至本朝崇奉規模爲大備

列

聖右文臨雍必事輪奐乾隆戊午朕詣學展儀先詔易蓋黃瓦聿昭茂典然丹雘雖致飾壯觀而上棟下宇風雨燥溼歷年既久浸敲是虞爰以歲丁亥發帑二十餘萬特簡重臣司其事越己丑仲春告葺工朕親釋奠以落成焉先

是言臣有以宜乘此時修復辟雍園水之制爲請者禮官以爲三代之制弗相沿襲實政不必泥古朕以其言良是遂從之門殿諸額一準會典皆親書各懸於其所舉大工者必泐碑以志故敘其事書之若夫述孔子之言仍以頌孔子是猶繪日月星辰以象天朕有所不能

康熙三十五年

御製平定朔漠告成太學碑文

惟

天盡所覆海內外日月所出入之區悉以畀予一人自踐祚迄今早夜殫思休養生息冀臻熙皞以克副維皇大德好生之意庶幾疆域無事得以養兵息民迺厄魯特噶爾丹阻險北陲因此一方人既荼毒塞外輒狡焉肆其凶逆犯我邊鄙虐我臣服人用弗寧夫蕩寇所以息民攘外所以安內邊寇不除則吾民不安此神人所共憤天討所必加豈憚一人之勞弗貽天下之逸於是斷自朕心躬臨朔漠

長沙縣學宮志

卷一

御製告成碑

七

欲使悔面革心故每許以不殺彼怙終不悛我師三出絕塞朕皆親御以行深入不毛屢涉寒暑勞苦艱難與偏裨士卒共之迨彼狂授首脅從歸誠荒外君長來享闕下西北萬里灌燧銷鋒中外乂謐惟朕不得已用兵以安民既告厥成事迺蠲釋眚災潔事禮望爲億兆祈昇平之福而廷臣請紀功太學垂示來茲朕勞心於邦本常欲以文德化成天下顧茲武畧廷臣僉謂所以建威消萌宜昭斯績於有永也朕不獲辭考之禮王制有曰天子將出征受成於學出征執有罪反釋奠於學以訊馘告而泮宮之詩亦曰矯矯虎臣在泮獻馘又禮王師大獻則奏凱樂大司樂

掌其事則是古者文事武事爲一折衝之用具在樽俎之
閒故受成獻馘亦歸於學此文武之盛制也朕嚮意於三
代故斯舉也出則告於神祇歸而遣祀闕里茲允廷臣之
請猶禮先師以告克之遺意而於六經之指爲相符合也
爰取思樂泮水之義爲詩以銘之以見取亂侮亡之師在
朕有不得已而用之之實或者不戾於古帝王伐罪安民
之意云爾銘曰巍巍

先聖萬世之師敬信愛人治平所基煌煌聖言文武道一
禮樂征伐自天子出朕臨域中於茲三紀嘗見羹牆寤寐
永矢下念民瘼上承帝謂四海無外盡隸堦尉惟彼凶醜

長沙縣學宮志

卷一

御製告成碑

六

瀆亂典常旣梗聲教遂窺我疆譬之於農患在螟螣秉畀
不施將害稼穡度彼遊魂險遠是怙震以德威可往而取
朕志先定龜筮其依屬車萬乘建以龍旂祝融驂鸞風伯
戒途宜暘而暘利我樵蘇大野水涸川瀆效靈泉忽自湧
其甘如醑設爲犄角一出其西一出其東中自將之絕域
無人獸羣受掩五日窮追彼狂走險大殲於路波血其孥
翦其黨孽俘彼卒徒眾烏晝號單馬宵遁恐久駐師重爲
民困慎固戍守還轅於京自夏徂冬雨雪其零載馳載驅
我行至再蠢茲窮寇昏惑不悔我邊我氓以休以助爰寧
其居爰復其賦番落老稚斯恬斯嬉歲晏來歸春與之期

春風飄翩揚我旆旂我今于邁如涉我疆言秣我馬狼居
胥山登高以眺閔彼彈丸天降凶罰孤雛就羈三駕三捷
封狼輿尸旣腊梟獍旣獮豺獮大漠西北解甲棄及振旅
凱入澤潯郊卜明禋肆赦用迓景福昔我往矣在泮飲酒
陳師鞠旅誓屈羣醜今我來思在泮獻功有赫頌聲文軌
來同采芹采藻頌興東魯車攻馬同亦鐫石鼓師在安民
非出得已古人有作昭示此旨緬維虞廷誕敷文德聖如
先師戰愼必克惟兵宜戢維德乃綏億萬斯年視此銘詞
乾隆十四年

御製平定金川告成太學碑文

長沙縣學宮志

卷一

御製告成碑

九

天畀我皇清握乾符俯坤軸函括萬邦悉主悉臣

五后纘承創守佑啓亦惟是二三蓋臣布德宣力予曰有先
後予曰有禦侮用造我不丕丕基罔有蘖芽罔不煦嫗長養
游於大當粵有金川莎羅莽者居西蜀桃關以外界綽斯
甲小金川之閒向曾從征得受符檄與諸土司齒顧恃其
險遠夜郎自大構釁隣番各土司申訴封疆吏吏曰蔓之
不圖豈其視爲甌脫乃請兵籌餉期掃其穴而司其事者
或怯縮以老師或獍狻以蓄志軍無適從事用弗集予心
惘然念遠徼之不甯或致增防置戍重勞吾民大學士忠
勇公傅恆義同休戚毅然請肩斯任乃命以經略印益厚

集諸路軍芻粟相繼閭閻不驚卜吉於戊辰十一月之三日

禡牙以指所征朕親御武帳賜經略酒以行天氣和昶陽氣
宣復都人士聽睹聳躍罔不怵喜謂露布之旦暮至也乃
歷燕晉驅秦隴越劍關絕川江陵桃關之巖經天射之峻
又日討軍實而教訓拊循之均其渴飲飢食同其曉行夜
眠至於密贊機務親草奏章則又經畧獨勤其勞而諸武
臣有所不知有弗能共者恩威既明士用益勵度番落如
戶庭過部伍於衽席姦酋授首軍聲大振復以巨礮擊其
礮堅礮以摧將俟諸軍之集擣其中堅而番首驟瞿駭喙
長沙縣學宮志

卷一

御製告成碑

三

稽首請降經略臣以彼罪重惡極窮而乞生久或渝且倘
焉慮不允所請朕維

天地之德在好生彼蟻潰而鼠駭者毋甯赦而宥之且求降
而盡殲之不可謂武矧不足以污我斧也於是經略宣朕
明旨登壇受降己巳二月之望日金川平定捷音至京是
役也采入數千里奏凱未七旬而振旅之師多有返自中
途未究其用者昔之成功巴蜀如建武之定公孫江陵之
降李勢皆在版圖之內無足比數廷臣舉

皇祖朔漠

皇考青海成例請勒碑成均以示來許夫秉丹誠而運籌決

勝永靖荒徼者經畧大學士之力也商可否於帷幄衝矢石於行陣者參贊大臣及諸將士力也朕何有焉惟是體乾元之德懷佳兵之戒保大定功安民和眾庶幾可以垂則乎乃系之以辭曰

維

天生人類聚羣分凡茲林林孰非我民有羈而縻有誨而諄豈伊異視遠近殊倫守在四奇稽古名言無已用之寓義於仁 蠢彼金夷恃其險阻蠶食豨張謂莫我拒不靖不庭侵茲隣聚駭奔叫呶以干大咎匪棘匪紆獫狁之故我張我伐獫狁之故 我師既集賊亦相持匪敢相持懼誅

長沙縣學宮志

卷一

御製告成碑

三

自支兩易寒暑膚功稍稍賊益以狂怒臂當車罪臣既誅以徇我師朕咨於恆汝往視之 朕咨於恆惟汝同德惟我庶士亦久於彼將茲旗兵羽林神策其勇熊羆其心金石何敵不摧何攻弗克濟以汝忠奏捷頃刻 恆拜稽首臣敢弗慶旣禡旣宜師出於京師出於京時維一陽未逾五旬乃壓其疆前旌獵獵有節煌煌羣番迎驚謂自天降惟彼攸恃曰良爾吉以偵以諜如鬼如蜮其恃爰誅其類股慄紀律是明戎兵是詰鑄礮攻礪其守以失惟是懼誅潛弗敢出 其潛弗出乃旦夕延將齊我軍披其中堅大鞞大膊期日之前彼乃窮蹙乞降悚虔惟命是從六事

永遵除道築壇肉袒羊牽 赴赴鍾琪乃度之愬聿抵賊
巢開誠以諭攜其三酋軍門親赴悔罪歸誠車塵馬足順
斯撫之昭我王度昔也雷霆今也雨露 七縱諸葛單騎
汾陽曰我相臣於前有光晉爵錫服黼黻龍章速歸黃閣
左右贊襄休養生息惠鮮蜀邦我武旣揚無疆惟慶

乾隆二十年

御製平定準噶爾告成太學碑文

遼矣山戎薰粥旃裘毳幕之人界以龍沙畜其驪奚雖無
恆業厥有分部蓋自元黃剖判萬物芸生東夷西夷各依
其地謬舉滄維未爲理據皇古莫紀其見之書史者自周

長沙縣學宮志

卷一

御製告成碑

三

宣太原之伐秦政巨海之築莫不畏其侵軼猾夏是虞自
時厥後一二奮發之君慨然思挫其鋒而納之宥然事不
中機材不副用加之地遠無定處故嘗勞師費財十損一
得縉紳之儒守和親介胄之士言征伐征伐則民力竭和
親則國威喪於是乎守在四裔羈縻不絕地不可耕民不
可臣之言興矣然此以論漢唐宋明之中夏而非謂我皇
清之中夏也皇清荷

天之龍興東海撫華區有元之裔久屬版章歲朝貢從征狩
執役惟謹準噶爾厄魯特者本有元之臣僕叛出據西海
終明世爲邊患至噶爾丹而稍強吞噬隣番闌入北塞我

皇祖三臨朔漠用大破其師元惡伏冥誅脇從遠遯跡毋俾遺種於我喀爾喀厥姪策妄阿拉布坦收其遺孽僅保伊犁故嘗索俘取地無敢不共逮夫部落滋聚乃以計襲哈密入西藏準夸之勢於是而復張

兩朝命將問罪雖屢獲捷而庚戌之役逆子噶爾丹策楞能用其父舊人乘我師怠掠畜於巴里坤擣營於和卜多於是而準夷之勢大張然地既險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武既揚不可以既允其請和以息我眾予小子敬奉

長沙縣學宮志

卷一

御製告成碑

三

先志無越思焉既而噶爾丹策楞死子策妄多爾濟那木札爾暴殘喇嘛達爾濟篡奪之達瓦濟又篡奪喇嘛達爾濟而酗酒虐下尤甚焉癸酉冬都爾伯特臺吉策楞等率數萬人來歸越明年秋輝特臺吉阿睦爾撒納和碩特臺吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪魁安我新附凡運餉籌馭長行利戰之事悉備議之始熟經於庚戌之艱者咸懼蹈轍惟大學士忠勇公傅恆見與朕同而新附諸臺吉

則求之甚力朕謂犁庭掃穴卽不敢必然喀爾喀之地必不可以久居若而人毋寧用其鋒而觀厥成卽不如志亦非所悔也故凡禡旗命將之典概未舉行亦云偏師嘗試爲之耳塞上用兵必以秋而阿睦爾撒納瑪木特請以春月欲乘彼馬未肥則不能遜朕謂其言良當遂從之北路以二月丙辰西路以二月己巳各啓行哈密瀚海向無雨今春乃大雨咸以爲時雨之師入賊境凡所過之鄂拓克攜羊酒糗糒迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必眾彼眾皆我眾多傷非所以體上慈也丁亥遣阿玉錫等二十五人夜斫營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌獨人阿其穆霍集斯伯克執達瓦齊來獻軍門準噶爾平是役也定議不過二人籌事不過一年兵行不過五月無亡矢遺鏃之費大勳以集遐壤以定豈人力哉

天也然

天垂佑而授之事機設不奉行之以致坐失者多矣可與樂成不可與謀始亦謂蚩蚩之眾云爾豈其卿大夫之謂旣克集事則又曰苟知其易將勸爲之夫明於事後者必將

昧於幾先朕用是寒心且準噶爾一小部落耳一二有能
爲之長而其樹也固焉一二暴失德之長而其亡也忽焉
朕用是知懼武成而勒碑文廟例也禮臣以爲請故據實
事書之其辭曰

茫茫伊犁大幹之西匪今伊昔化外羈縻條支之東大宛
以南隨畜獵獸蟻聚狼貪乃世其惡乃恃其遠或激我攻
而乘我緩其計在斯其長可窮止戈靖邊化日薰風不侵
不距不來其那款關求市亦不禁訶始慕希珍終居奇貨
吏喜無事遷就斯悞漸不可長我豈懼其豈如宋明和市
之爲旣知其然飭我邊吏弗縱弗嚴示之節制不仁之守

長沙縣學宮志

卷一

御製告成碑

五

再世斯斬篡奪相仍飄忽荏苒夙沙革面煎鞏披忱集泮
飛鴉食黜懷音錫之爵位榮以華裾膝前面請願效前驅
分兵兩路雪甲霜鋒先導中堅如鼉錯攻益以後勁蒙古
舊屬八旗子弟其心允篤二月卜吉牙旗飄颻我騎斯騰
無待折膠泉涌於積蕪茁於路我眾歡躍謂有

天

助匪營我眾新附亦云黃髮未覩水草富春烏魯木齊波

羅搭拉臺吉宰桑紛紛款納牽其肥羊及馬潼酒獻其屠
耆合掌雙手予有前諭所禁侵陵以茶交易大愉眾情眾
情旣愉來者日繼蠢達瓦齊擁兵自衛依山據淖惟旦夕
延有近萬人其心十千勇不目逃掄二十五日阿玉錫率

往賊所銜枚夜襲直入其郭揮矛拍馬大聲疾呼彼人既
離我志斯合突將無前縱橫鞴鞞案角鹿埵隴種東籠自
相狼藉孰敢櫻鋒狐竄鼠逃將往異域狝部遮之凶渠斯
得露布既至告

廟受俘凡此戴功荷

天之衢在古周宣二年乙亥淮夷是平常武詩載越我

皇祖征噶爾丹命將禡旗亦乙亥年既符歲德允協師貞兵
不血刃漠無王庭昔時準夷弗恭弗諱今隨師行爲師侯
尉昔時準夸日戰夜征今也偃臥知樂人生曰匪準夸日
我臣僕自今伊始安爾游牧爾牧爾耕爾長孫子曰無向
長沙縣學宮志

卷一

御製告成碑

三六

非豈有今是

兩朝志竟億載基成側席不遑保泰持盈

乾隆二十四年

御製平定回部告成太學碑文

建非常之功者以舉非常之事舉非常之事者以藉非常
之人然亦有不藉非常之人而舉非常之事終建非常之
功者則賴

昊蒼篤貺神運幹旋事若禍而移福機若逆而轉順順

天者昌逆

天者亡故犁準夷之庭掃回部之穴五年之間兩勳并集始

遲疑猶未敢信終劫劬以底有成荷

天之龍在茲畏

天之鑿亦在茲爰敘其事於左達瓦齊之就俘也伊犁已大定矣無何而阿睦爾撒納叛彼其志本欲藉我師以成已事時也人心未定佐饗者嘗一域肆狂萬狙應響蜂屯蟻襍不可爬梳畏難者終謂不出所料準夸終不可取並有欲棄巴里坤爲退守謀然予計其眾志不齊將有歸正倒戈者於是督策將帥之臣整師亟進旣而伊犁諸臺吉宰桑果悔過勤王思討賊以自贖此

天恩助順者一也二酋大小和卓木者以回部望族久爲準

長沙縣學宮志

卷一

御製告成碑

七

噶爾所拘於阿巴哈斯鄂拓者也我師旣定伊犁乃釋其囚以兵送大和卓木波羅泥都歸葉爾寄木俾統其舊屬而令小和卓木霍集占居於伊犁撫其在伊犁眾回乃小和卓木助阿逆攻勤王之臺吉宰桑等阿逆賴以苟延及我師再入阿逆遂逃入哈薩克而霍集占亦卽收其餘眾竄歸舊穴此

天恩助順者二也準夷之事前記略見梗概茲不復紀紀興師討回之由則以我將軍兆惠在伊犁時曾遣副都統阿敏道往回議事小和卓木乃以計誘阿敏道而拘之及我師抵庫車問罪彼攜阿敏道以來援至中途害之及從行

者百人彼猶逞其狂悖抗我師顏且敢冒死入庫車城乃雅爾哈善略無紀律致彼出入自由然我滿洲索倫眾兵士無不念國家之恩效疆場之力故能以少勝眾逆渠懼而免脫此

天恩助順者三也知債轅之無濟掄幹材之可任時將軍兆惠以搜勦準夸餘黨至布露特部落已款服其眾因命旋師定回部於是克庫車存沙雅爾定阿克蘇略烏什收和闐師之所至降者望風直至葉爾寄木城下而我軍人馬周行萬有餘里亦猶强弩之末矣二酋以其逸待之力統數萬人與我三千餘人戰我師之過河者纔四百餘猶能斬將擐旗退而築堡黑水固守以待此

長沙縣學宮志

卷一

御製告成碑

三

天恩助順者四也萬里之外抱水救火其何能濟乃予以去年六月卽降旨派兵撥馬欲以更易久在行閒者耳故兵馬率早在途一趨進而各爭前恐後人人有敵愾之憤此天恩助順者五也副將軍富德及參贊舒赫德輩率師進援以速行戈壁中馬力復疲值狂回據險坐俟頗有難進之勢夫援軍不能進則固守以待者危矣而參贊阿里袞驅後隊之馬適至夜擣賊營我師內外夾攻彼不知我軍凡有幾萬握炭流蕩之徒自相蹂躪顧命不暇於是解黑水之圍鹿駭麀驚遯而保窟我之兩軍合隊全旅以迴阿克

蘇此

天恩助順者六也既而彼料我必再入泰山之壓難當乃於我師未進之先攜其部落載其重器跳而遠去而葉爾寄木哈什哈爾二城之舊伯克等遂獻城以降參贊明瑞一邀之於霍斯庫魯克副將軍富德再陷之於阿爾楚爾於是離心者面內前途者反旆二酋惟挈其妻孥及舊僕近三百人入拔達克山境此

天恩助順者七也人跡不通之境語言不同之國旣以雀毆甯不狼顧其授我與否固未可定也然一聞將軍之榜莫不拔旗請奮整旅前遮遂得凶渠函首露布遙傳此

長沙縣學宮志

卷一

御製告成碑

三

天恩助順者八也夸考西師之役非予夙願之圖何則實以國家幅員不爲不廣屬國不爲不多惟塵守成之志無希開剗之名兼以承平日久人習於逸旣無非常之人安能舉非常之事而建非常之功哉然而輾轉輻輳每以艱而獲易視若失而反得故自締始以逮定功雖予自問亦將有所不解其故而不敢期於必然者故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上蒼之心志

列祖之志勉繼繩於有永保丕基於無窮乎繫以銘曰

二酋僭德始亂爲賊是興王師報怨以直伊犁旣平蕞爾
奚屑徐議耕闢徐議戍設以噢以咻伊余本懷豈其弗戢
圖彼藐回彼回不量怒臂當車戕我王臣助彼狂狙始攻
庫車僨轅敗事用人弗當至今爲愧悖逆罪重我武宜揚
易將整師直壓彼疆阿蘇烏什玉隴和闐傳檄以定肉袒
羊牽二酋孽深知不可活狼狽相顧固守其穴桓桓我師
周行萬里馬不進焉強弩末矣以四百人戰萬餘虜退猶

長沙縣學宮志

卷一

御製告成碑

三

能守黑水築堡開信達都爲之傷悼所幸後軍早行在道
督勅速援人同怒心曾不兩月賊境逼臨賊境逼臨彼復
徼隙馬繼以進賊營夜斫出其不意賊乃大驚謂自天降
孰敢鋒撓大鞞大膊如虎搏兔案角隴種誰敢回顧黑水
圍解合軍暫旋整旅三路期並進焉賊偵軍威信不可知
挈其妻孥遞投所依亦回豈不自謀豈伊庇猿而受
林憂利厥輜重毋貽盡掠遣其都瓦遂來獻馘詎惟獻馘
並以稱臣捧齋表章將詣都門奏凱班師前歌後舞尸遂
染鏑溫禺釁鼓露布至都正建初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑再樹敢予喜
功用不得已

天眷屢蒙始之以武終之以文戡亂惟義撫眾惟仁布惠施
恩寰宇共喜古不羈縻今爲臣子疆闢二萬兵出五年據
實書事永矢乾乾

乾隆四十一年

御製平定兩金川告成太學碑文

太上立德其次立功又其次爲立言而德與功皆賴言以
傳言之無文行而不遠文之時義大矣哉然傳德之詞直
而寡傳功之詞費而多直而寡者不因文而德自見二典

長沙縣學宮志

卷一

御製告成碑

三

三謨經世立教是也費而多者必因文而功乃明周誥殷
盤佶屈聱牙是也吾嘗讀韓昌黎平淮西碑益悉此言之
不爽何則彼其藩鎮乃家奴之類慙慙因循以致宛成敵
國削而平之是宜引以爲愧而不可炫以爲功賴昌黎之
文幾與江漢常武同稱者定然有識者固知其辭費而多
飾而未知憲宗之愧與弗愧耳今之平定金川之文不有
類於斯乎解之者曰逆酋羈縻徼外非若淮蔡之居中土
元濟之爲世臣也吾則以爲旣已受職爲土司則是我臣
而其地近接成都遠連衛藏則是我土我土我臣而橫生
逆志蠶食鄰封將欲大有所爲弗勦而滅之則西川將不

能安枕茲雖歲事與平定淮蔡擒吳元濟何以異故宜引以爲愧而不可炫以爲功者以此金川之始見於己已告功之文茲不複記記其復叛而復征則其陰謀負恩己自戊寅年始蓋戊辰之師實緣其跳梁不靖而師旣臨境彼卽窮蹙乞降遂以赦罪頒師甫十年而其酋郎卡卽與革布什咱構釁又四年遂與綽斯甲布及三雜谷構兵迄無甯歲自恃地廣人眾力强與各土司爲敵而逆子索諾木凶悖益甚故各土司皆畏之如虎而以勢分力散又莫能如之何予以爲業已受其降不宜復加兵且蟻鬪蠻觸不足以勞王師因命地方文武大吏隨宜彈壓令弗越內地

長沙縣學宮志

卷一

御製告成碑

三

界亦足以安民而示度耳不虞地方大吏欲息事而每示寬逆酋轉以爲無足懼而日益逞其小金川逆酋僧格桑者始則與索諾木水火相讎繼乃狼狽爲奸於是索諾木計殺革布什咱土司色楞敦多布取其印勅以歸而僧格桑亦侵佔鄂克什地界且發兵圍其土司色達拉之官寨期於必取總督阿爾泰提督董天弼知事不可掩乃有發兵之請是役也或咎阿爾泰依違誤事之過而予則以爲阿爾泰之過皆予之過蓋金川因其地險眾悍久蓄異志

是以有殺至維州橋之謠

維州本漢徼外羌冉駹地蜀將姜維征羌駐此築壘後因名爲

蕃號爲無憂城遂屢入寇擾大中時始復內附五代蜀州

內徙改縣曰保甯宋景德初改曰威州元至元間以州治保甯縣並入明洪武初於州境析置保縣 本朝雍正五年省威州入保縣屬茂州今其地尚有維州橋之稱而促清番人以殺至維州橋播為謠曲似係聞吐蕃舊事妄撰效尤
耳 則其不忘內地情率可知戊辰之役我師采入屢勝

卽不官赦其罪而受其降此一誤也甫十年而郎卡偕恩作亂以及逆子踵其迹皆不及發兵問罪惟令地方大吏隨宜處置又屢誤也以至尾大不掉終於興師故予不咎人之議爲窮兵黷武而轉咎已之類於姑息養奸蓋中國之制外域張撻伐則彼畏而斂迹主和好則彼輕而生心漢唐宋明之覆轍率可鑒也若謂予窮兵黷武則予賴

天恩平伊犁定回部拓疆二萬餘里豈其尙不知止足而欲

長沙縣學宮志 卷一

御製告成碑

三

滅蕞爾之金川以爲揚赫濯紀勳烈之圖哉雖然平伊犁定回部其事大矣然費帑不及三千萬成功不過五年茲兩金川小寇地不逾千餘里人不滿二萬戶而費帑至七千萬成功亦遲至五年則以跬步皆險番奴效命死守故得延至今日而我將軍阿桂立志堅定決機明敏兩副將軍及參贊領隊諸臣同心合力各軍士敵愾奮勇凡經大小數百餘戰而後成功視平伊犁定回部費力轉不啻倍蓰設非

天恩助順眾志成城則金川未易言滅而國威或致少損矣是不可以不記觀斯文者尙諒予懷慙悔過之不暇知非

稱功詡德而為言其庶幾乎系之以辭用誌始末云爾小

金首禍曰僧格桑兵救鄂什向稱沃日今定為鄂克竟抗

顏行僧格桑於庚寅夏與鄂克什土司構怨稱兵阿爾泰

遣兵護鄂克什而逆會亦遂與官兵交戰督臣提臣每事

遷就知弗勝將軍別授阿爾泰等名為進兵仍思遷就

軍務且命林馳往視之辛卯冬因阿爾泰始終遲疑玩

督兵進攻其四川總督則令攻破巴朗向訛為斑直取達

圍進抵資哩數月克之兩路夾擊遂得美諾鼠竄狼奔金

川助惡溫福初至西路即策勵將上攻克巴朗拉乘勝直

將軍同溫福進剿賊尋退還木蘭垣我兵進抵明郭宗桂

長沙縣學宮志

卷一

御製告成碑

三

什咱侵地尋為宋元俊所誤致有墨壟溝之失桂林匿不

上聞為阿爾泰所劾因即罷斥而令阿桂為副將軍赴南

路代領其兵南路自達烏至僧格宗皆峭壁懸崖礮卡林

立阿桂董飭官軍勵勇摧堅采入其阻乘勢進搗美諾賊

巢王辰十一月遂克之溫福亦攻克明郭宗至美諾與阿

桂會復督兵攻取布朗郭宗逆會由僻徑竄入金川擒其

父澤旺解京乃傳檄撫定汗牛大板昭等寨落小金川悉

平而金川逆酋索諾木復敢黨惡拒命因移兵並剿之

既平趙拉小金川番遂討促浸即金川雪多境險奏功以

沈奏功以沈賊更遮郊綠營怯懦遇戰辟易攻勦促浸之

噶爾拉阿桂由當噶爾拉分兩路並進功噶之前為卡撒

了口賊築礮斷徑不能進遂別由昔嶺繞攻而礮堅地險

兼多雨雪攻之半年雖屢得賊卡終未扼其要害綠旗兵

既懦憊溫福又不善調度以二萬餘人散布各卡防守遂

以分而見單賊窺其罅隙於癸巳六月遣番眾數百由閒

道潛出煽誘趙拉降番復叛董天彌庸懦失守為賊所戕

賊益猖獗擾溫福後路直侵大營綠營兵眾先潰將卒戰

沒者多溫福率親兵與賊搏戰亦遇害趙拉之地復失逆

酋等罪大惡極 愈不可寬矣 兵既無能將復失算豈如南路全師而返

有事之後當噶亦難獨駐遂整勵兵眾由南路全師而出

重調勁旅吉林索倫健銳火器其心忠純 前已飭派入旗

助剿為溫福等奏止使木果木軍營有滿洲兵在彼則絲

營得所依恃亦不致蒼黃潰竄是其事仍由溫福自誤幸

阿桂一路軍馬甚整即授為定西將軍並選健銳火器營

兵三千吉林索倫黑龍江兵四千迅赴軍營重籌進剿

仍分兩路堂堂正正不旬日開美諾重定 癸巳冬將軍阿

進攻其南路則令明亮為副將軍進剿兩路並 桂統兵由西路

進所向克捷旬日之間即收復小金川全部 谷噶既入

馬尼去聲並克參養旗兵允得其力 阿桂等於甲午正月搶

等亦於是時攻克馬尼兩路之兵皆因有入旗勁旅 醜三

奮勇先登綠營觀感激勸皆效法恐後奏績甚速 醜三

路進一阻宜喜及彼絨布遇險而止 副將軍豐昇額同舒

常於宜喜駐兵與阿

長沙縣學宮志 卷一 御製告成碑 三

桂明亮共成三路第宜喜之兵攻勦半載未能寸進而明

亮則由馬尼攻得木翁卡卡角及抵庚額特亦阻險未能

進遂駐 阿桂西路則屢建功羅博湖普逮遜克宗 甲午三

絨布寨 阿桂西路則屢建功羅博湖普逮遜克宗 月阿桂

攻克羅博瓦山梁六月攻克色湖普此諸寨並峰峻礪堅

賊眾悉力死守官軍皆涉險銳攻殲醜甚眾遂臨遜克爾

宗 喇穆山梁日則丫口舉默格爾以擾其後 我兵攻克色

防守益力阿桂偵知喇穆穆迤西峯厓陡削賊備禦稍

疎因分兵超越進攻盡據其礪並攻克日則丫口亦六月

中事其後進兵稍阻至十月初復繞道攻得默格

爾山梁其榮噶爾博日爾入當噶之賊皆截於後 明亮宜

喜亦據嶺梁而復難進徒然望洋 宜喜為賊要隘守禦極

年未下既而命豐昇額改赴西路舒常在彼更不能進甲

午夏因明亮在絨布屢攻未進不宜頓兵於無用之地令

其分兵七千移攻正地明亮遣偵卒往探不見賊蹤難以

輕進亦赴西路協勦阿杜札止之會緯斯甲布土司懇明

亮駐宜喜並願效前驅明亮乃出其不意分兵冒雨直進

遂據宜喜山梁並攻得俄坡格勒古賊因掘壕斷路明亮

等復為迫昨乙未略康薩爾木思工噶賊碉並毀阿桂自

格爾欲乘勝直進賊復於康薩爾山梁抗阻兩月餘乙未

正月阿桂派兵分路潛進拔其鹿角連越重壕躍上碉頂

遂毀其碉殲賊甚眾四月復攻得木明亮河西亦有所據

思工噶克了口從此下壓勢益順矣明亮河西亦有所據

日旁以前五十里路明亮因達爾圖之路為賊所斷商之

西路兵一千令福康安帶往攻克甲索碉卡海蘭察亦往

會攻合力並擊先克撒撒谷其日旁古之沙壩山並達爾

圖得楞及溝內之斯年木咱爾各賊皆紛夾河兩軍聲息

紛棄碉遁周圍五十餘里寨落悉行焚燒夾河兩軍聲息

可通並清後路遜克爾宗五月至平坡六月間復攻克石

真噶寨阿桂派兵沿河從赤爾寨攻打隔河之沙爾尼一

帶兩岸夾擊聲息可通迨阿桂攻得噶爾丹喇嘛寺等處

居高得勢以遜克爾宗在我兵之後畱之非計遂派兵三

路分進豐昇額督率攻勦或斫寨而入或梯牆而進遂得

其碉殺賊無算蓄則大海昆色拉枯層層破要步步披嶮

後路益肅清矣蓄則大海昆色拉枯層層破要步步披嶮

長沙縣學宮志卷一 御製告成碑

阿桂以昆色爾喇嘛寺在拉枯喇嘛寺之上於此路尤為

扼要其蓄則大海亦當並勦分派將領統兵同往其昆色

爾山梁最險官兵皆蟻附上攻佔其碉寨復縱火焚燒拉

阿桂自

攻得默

未

未

未

未

未

未

未

未

未

未

未

未

未

未

未

未

未

未

未

皆相率乞降並索諾木之母阿倉姑阿青及其姊妹亦皆
投至軍營僉云索諾木莎羅奔兄弟並作惡之大頭人丹
巴沃襍爾等皆在圍中此蓋逆酋賊黨等罪是時河西明
孽深重天奪其魄驅之一處以就擒也

亮亦入富德馬邦傳檄芥拾明亮既克阿爾古等寨克取
獨古木開通乃當山梁並擣

甲襍掃獨松河西一帶悉行勦洗過河會阿桂合攻賊巢
富德亦將河南北之噶咱普庚額特曾達等各寨落全行
掃清直據馬爾邦亦遣兵與阿桂會富設非西路圍噶喇
德所得之地俱不煩兵力易如拾芥

依則其兩路亦無進期明亮富德兩路向皆艱於攻取而
富德久駐絨布尤未能寸進自阿

桂既克索隆古乘勝席捲已圍噶喇依各處之賊皆膽破
心散望風潰降非果由力戰而得若非西路官兵直擣賊
巢則明亮富德兩路諸軍既合火攻周遭雖據三穴訖其
仍未有進取之期也

奚逃然猶死守四十餘日計窮力竭乞命而出官兵四面
合圍賊猶

負隅力抗繼用大礮環轟摧其礮卡將士等乘勢克取旁
近寨落層層進逼殲賊日多逆酋惶懼遣其兄岡達克彭
御製告成碑

長沙縣學宮志卷一

三

楚克次第詣營並即拘繫於是攻圍益急據其近礮斷其
水道索諾木窘迫無計遂於二月初四日早率其兄弟莎

羅奔甲爾瓦沃襍爾斯丹巴並兩土婦及黨惡之大頭人
丹巴沃襍爾阿木魯綽窩斯甲尼瑪噶喇克巴並兩喇嘛

挈大小頭目男婦二千餘人出寨逆酋跪捧印信乞免誅
戮因即悉就擒獲俘獻京師自圍勦以來計四十餘日至

是全境蕩平罪人斯得紅旗於二月十二日馳至桃花寺
行宮適當告功東陵之期此實仰賴
皇祖默佑

益深感敬隨諭將軍阿桂等統成功將士擇日凱旋俟東
巡回蹕至黃新莊舉行郊勞大典以昭優武策勳之盛

金川之功阿桂居首特恩異數加之宜厚征勦金川之役
實由將軍阿桂

蓋誠體國不憚艱勞制勝運籌克成偉績實為此事首功
特封為頭等誠謀英勇公加賞雙眼孔雀翎紅寶石帽頂
四團龍補褂金黃帶紫轡以昭崇獎能出能入有權有經運長擊短後實先

聲金川之功允資羣力寸步層峯冰滑石灰將軍指揮無

不奮勇以此破敵鹿埕隴種金川之功非予所期事弗可

已久而得之鬪猶獸困捨懲雞肋念我眾勞至今心惻金
川之功允賴

上蒼靖彼蕃徼我武惟揚勒碑太學用遵成例靜言思之文
以誌愧

長沙縣學宮志

卷一

御製告成碑

三

雍正二年甲辰

冊封先師五代夏四月

遣禮部尙書張伯行詣闕里祭告孔子文

道尊往聖宜錫類以推恩牒溯前徽乃緣情而制禮絲綸
聿賁俎豆維新仰維先師孔子撰合乾坤名高日月纂修
剛定煥六籍之文明祖述憲章樹百王之儀範朕夙承

庭訓嚮往實深誕紹丕基欽崇彌切惟德全而業盛知積厚
而流光爰命廷臣式稽譜系詒謀式穀洵篤慶於一門毓
秀鍾靈宜上追於五世並躋祀典特晉王封體

皇考敬師之心宏先聖顯親之孝金聲玉振集今古之大成

長沙縣學宮志

卷一

御製祭文

三

木本水源享烝嘗之美報靈其不昧尙克來歆

雍正八年庚戌從通政使畱保請原

先聖從周之義用元衣纁裳冕十二旒服十二章塑

聖像成秋八月

命督修闕里廟工通政使畱保祭告孔子文

金聲玉振開宇宙之文明日角珠庭垂聖神之儀範肅敷
筵几聿薦藻蘋仰維先師孔子學綜圖疇統承堯舜道超
萬類喻河海泰嶽之崇深德服羣賢比江漢秋陽之皎潔
溫良恭儉之度邦國共欽齊莊中正之容簡編備載新營
廟貌虔製豆籩竭誠敬之心思極尊嚴之規制乃者歲逢

庚戌序屬仲秋上溯周朝近當今日推之長歷卽尼山降誕之時卜以良辰是闕里增輝之會用稽徽典適協貞符於戲棟宇恢宏已慶雲霞之糾縵堂楹端儼重瞻日月之光華神鑒孔昭苾芬歆享

冬十月闕里孔子廟成

遣皇五子詣闕里祭告孔子文

達天盡性樹萬世之師模重道尊經煥千秋之廟貌肅將嘉祀用告成功仰維先師孔子得聖之時由天所縱纂修剛訂啓宇宙之文明祖述憲章綜帝王之統緒升堂入室宏施樂育之恩學禮誦詩永作義方之矩比高懸之日月

亘古莫踰喻出類之鳳麟生民未有奉遺編而欽企儀典務極其推崇循舊址而鼎新經營必盡其誠敬頌夫國帑董以大臣每繪式以先呈乃按圖而指授榱桷栝柏求大木於名山簠簋罍鬯選良工於內府晶熒黃瓦準制度於宸居璀璨玉圭儼威容於聖座懸標題之巨榜灑翰親書建屹峙之豐碑摛文恭紀工程累歲時深嚴恪之心棟宇宏規益備觀瞻之美華棖雕柱增輝講道之壇璆磬金鏞重振大成之殿數仞之宮牆逾峻兩楹之俎豆虔陳特遣皇五子親詣几筵敬行告祭於戲卿雲糾縵已開丹雘之祥古檜貞堅佇望青蒼之色惟祈鑒格式享苾馨

乾隆二十二年丁丑春正月

聖駕南巡

遣協辦大學士戶部尚書蔣溥詣闕里祭告孔子文

惟先師德配時中功參化育紹心源於往代祖述憲章傳道統於後人贊修刪訂金聲玉振集羣聖之大成觀海登山爲生民所未有儀型萬古若日月之莫可踰秩祀千秋與乾坤而俱不朽朕言循東魯再蒞南邦釋奠而謁杏壇屈指甫週乎一載揚旌而瞻闕里抒誠用遣乎專官敬薦明禋式遵舊典宮牆遙望彌深仰止之情俎豆常新永啓右文之治神其鑒格庶克來歆

長沙縣學宮志

卷一

御製祭文

聖

乾隆二十七年壬午

聖駕南巡

遣禮部右侍郎介福詣闕里祭告孔子文

觀民設教道有淵源崇德報功禮隆秩祀載舉四巡之典允懷百世之師惟先師德建儒宗道垂帝範五百歲聞知相接繼往開來二千年教澤如新經天緯地朕欽承治法夙秉鴻規仰溯心傳緬思遺訓聆八音於孔壁前曾再謁東山輯五瑞於虞書今值三臨南國疆分鄒魯采風而儒俗猶存地介青徐接壤而聖居特近載展精禋之薦用申向往之誠敬遣專官惟神昭鑒

康熙四十年

御製幸魯盛典序

朕惟自古帝王聲教翔洽風俗茂美莫不由於崇儒重道
典學右文用能發詩書之潤澤宣道德之闡奧推厥淵源
皆本洙泗以故追崇之典歷代相仍或躬詣闕里修謁奠
之儀潔志肅容盡誠備物其閒禮數隨世損益至於希風
服教百代式型異世同揆莫之或二猗歟盛矣朕臨御以
來垂三十載溯危微之統緒念生安之聖哲恒慮涼薄未
克祇承用是夙夜亶心孜孜不倦惟我至聖先師孔子配
天地參陰陽模範百王師表萬禩朕每研搜至道涵泳六
經覺憲章祖述剛定贊修之功日星揭而江河流私心嚮
往竊有願學之志焉乃者東巡踰泰岱涉泗沂遂過闕里
親行釋奠得瞻廟貌仰聖容以爲德盛功隆欽崇宜極凡
厥典禮有加前代又親製文辭手寫以樹之貞石務用導
揚至教風示來茲夫緬懷曩哲繼躅前賢猶思睹其物采
接其居處况先師遺風餘烈久而彌新重以朕之寤寐羹
牆儼乎如見及過杏壇相圃之閒山川儼然檜楫如故仿
彿金石絃誦之聲聞於千載而上流連往復不能自已也
衍聖公孔毓圻上疏陳謝且以禮儀隆重非直一家榮遇
請修幸魯盛典一書朕旣可其奏久之書成復請序言以

冠其端朕萬幾餘晷敦勉弗遑實欲默契先師尊聞行知於以阜物誠民風同道一席幾躋世運於唐虞登治術於三古是書也豈徒使天下後世知朕於先師欽慕無已如此且愈以見聖人之道覆幬羣倫苞毓萬象卽凡車服禮器之遺皆足令人感發而興起也故賜之序

乾隆三年

御製闕里盛典序

自京師以至郡邑薄海內外莫不廟祀孔子而曲阜闕里爲聖人之居靈爽之所式憑崇德報功於斯爲鉅歷代以來罔不祇肅洪惟我

長沙縣學宮志

卷一

御製幸魯盛典序

聖

聖祖仁皇帝親謁闕里廟堂有幸魯盛典一書至我

皇考世宗憲皇帝重道尊師弗懈益虔雍正二年闕里廟殿不戒於火命官營治悉復其舊宏敞有加焉屋用黃瓦圭瓚俎豆尊罍之屬頌自上方

親灑宸翰懸之大成殿門堂哉皇哉不可殫述精誠孚格爰有慶雲見曲阜之祥凡閱七載廟工落成諸臣請勒成闕里盛典一書垂之久遠乾隆三年是書告竣蓋自漢唐而後紀載所傳未有若斯之隆也朕恭承丕緒景行先師寤寐羹牆紹休前烈深惟聖帝明王莫不講明先王之法行聖賢之道爲萬世計至深且遠董子曰天不變道亦不變

夫聖人之道如日星行而江河流則聖人之居與乾坤同其永久者皆教澤之垂於無窮也然非有王者作先後同揆則尊崇之典或缺焉而不備備矣而未極其盛惟我皇考接洙泗之心源觀人文以化成天下明王道重儒術以聖契聖是以盡志盡物煥乎其文巍巍煌煌至於此極披覽是編如登聖人之堂觀車服禮器之輝煌見宗廟百官之美富聆金聲玉振之始終條理有不穆然而遐思肅然而起敬者哉昭示來茲既以見孔子師表萬世明德馨香宜隆於毓秀鍾靈之地又見我國家

聖聖相承右文嚮道逾邁前古且俾孔氏子孫繼繼承承知長沙縣學宮志 卷一 御製闕里盛典序 四
廟貌維新修其禮物其來有自焉爰因衍聖公孔廣棨請而序之

聖祖仁皇帝御製古檜賦并序

孔子手植檜在杏壇之側金貞祐閒無復存矣元至元三
十年再茁故處明宏治閒又燬於火今所遺者不枯不榮
屹立霜露而秀色獨異撫摩久之乃作賦曰維槎枿之靈
質實鈞化之所鍾標扶輿之奇特峙先聖之故宮涵元氣
以不朽與至道而俱崇爾其黛幹蒼蒼孤柯濯濯鶴骨初
扶霜鱗未作儼茁軋以方舒類鴻荒之忽鑿謝縟采於春
華完瀟風於太樸天矯拂勃星臨露滴枝無取於樛樛葉
全稀於撼撼夕飈度兮弗驚朝旭烘兮如滌伊閒氣之潛
滋惟神爽之咸集徘徊延卻宛轉斷連蟠屈兮若俯羽之
長沙縣學宮志

卷一

御製古檜賦

巽

在列聳削兮若箕虞之待懸則有築以崇封沃以膏壤方
以周闌角以文磔足縮心獻目給神賞蘿煙奪翠松籟失
響於是楷因之而擢穎著感之而抽莖爭歲蕤於絃誦之
里齊扶疏於禮樂之庭朝菌慚兮一日大椿讓兮千齡上
泝真宰之功遠契無爲之代均雲行兮雨施等乾始兮坤
載疇則出混茫之中而居耳目之外與三才以竝植綿歷
禩其長在亦有扶桑海表若木山巔東瀛西極揭日摩天
迹雖誇於神異植非出於文宣宜瞠乎其後矣邈無得而
稱焉

高宗純皇帝御製十贊

萬仞宮牆贊

芑子自幼被服聖言明德新民知易行難容有素誠瞻謁
尼山亦既泄止敢云得門

奎文閣贊

奎婁垂象爰在魯東夫子之文天地並隆煌煌

御書充物其中先聖

後聖其於則同

手植檜贊

文欄肥壤厥有檜株先聖攸植繫于澤餘幾經枯榮左紐

長沙縣學宮志

卷一

御製十贊

吳

右紆造物憑護孫枝扶疏

杏壇贊

憶昔緇帷詩書授受與有榮焉軼桃欒柳博厚高明亦日
悠久萬世受治杏林何有

聖蹟殿贊

明王不興夫孰能宗豈無宗者邈矣莫從鐫勒苔華景仰
遺蹤七十三年雲中見龍

詩禮堂贊

昔者趨庭詩禮垂訓維言與立伊誰不奮九仞一簣願勉
乎進御堂聽講景仰

聖舜

金絲堂贊

禮樂詩書金絲萬古豈繫魯恭廣宅斯舉在左移西亦惟其所懸甕乃神夫子不語

禮器贊

祇謁先師載觀禮器犧尊象尊伊古之制有道存焉儀型攸繫申命太常記予初祭

故井贊

疏食飲水曲肱樂之既清且潔汲繩到茲我取一勺以飲以思嗚呼宣聖實我之師

長沙縣學宮志

卷一

御製十贊

四

故宅門贊

居廟之左厥門斯故藻績不施意存後素徘徊瞻心焉學步告爾後人由茲義路

欽定太學春秋二仲上丁祭品斤兩

黍米 叁斗玖升 稷米 壹斗伍升

稻米 叁斗玖升 梁米 壹斗

麥麩 貳斤 蕎麥麩 壹斤

菁 壹百肆拾叁斤 芹 捌拾柒斤

韭 拾斤 葱 伍斤

酒 壹百貳拾瓶 滌魚酒 貳瓶

鹽磚 貳拾斤 白鹽 肆斤

紅棗 壹百肆拾叁斤 栗 壹百捌拾肆斤

榛仁 壹拾柒斤捌兩 菱米 叁拾斤

長沙縣學宮志 卷一 欽定太學祭品 哭

芡實 叁拾伍斤 白糖 壹斤

花椒 捌兩 茴香 捌兩

蒔蘿 肆兩 大薨魚 拾尾

醢魚 貳拾斤 小薨魚 拾尾

大筍 拾塊

順治九年

御製臥碑

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以備朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲子既讀書明理當再三懇告使父母不陷於危亡

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者

長沙縣學宮志

卷一

御製臥碑

四九

往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司衙門不可輕入卽有切己之事只許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

長沙縣學宮志

卷一

御製臥碑

五十一

康熙九年

御製十六條

朕惟至治之世不專以法令爲務而以教化爲先其時人心淳良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不宣是舍本而務末也近見風俗日敝人心不古囂陵成習僭濫多端狙詐之術日工訟獄之興靡已或豪富陵轍孤寒或劣紳武斷鄉曲或惡衿出入衙署或蠹棍詐害良善萑苻之劫掠時聞讎忿之殺傷疊見陷罹法網刑所必加誅之則無知可憫宥之則憲典難寬念茲刑辟之日長沙縣學宮志

卷一

御製十六條

至

繁良由化導之未善朕今欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尙節儉以惜財用隆學校以端士習黜異端以崇正學講法律以警愚頑明禮讓以厚風俗務本業以定民志訓子弟以禁非爲息誣告以全善良戒匿逃以免株連完錢糧以省催科聯保甲以弭盜賊解讎忿以重身命等項作何訓迪勸導及作何責成內外文武該管各官督率舉行爾部詳察典制定議具奏特諭

康熙四十一年

御製訓飭士子文

國家建立學校原以興行教化作育人材典至渥也朕臨御以來隆師重儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒教罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敍爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以長沙縣學宮志

卷一

御製訓飭士子

五

立志窮經考業勿雜荒誕之談取友親師悉化驕淫之氣文章歸於醇雅毋事浮華軌度式於規繩最防蕩佚子衿挑達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤陵寡或招呼朋類結社邀盟乃如之人名教不容鄉黨切齒縱倖脫褫扑濫竊章縫返之於衷甯無愧乎況乎鄉會科名乃掄才大典關係尤重士子果有眞才實學何患困不逢年顧乃標榜虛名暗通聲氣黃緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正

若茲厥初拜獻便已作姦犯科則異時敗檢踰閑何所不
至又安望其秉公持正爲國家宣猷樹績膺先後疏附之
選哉朕用嘉惠爾等故不禁反復惓惓茲訓言頒到爾等
務共體朕心恪遵明訓一切痛加改省爭自濯磨積行勤
學以圖上進國家三年登造束帛弓旌不特爾身有榮卽
爾祖父亦增光寵矣逢時得志甯俟他求哉若仍視爲具
文玩愒勿儆毀方躍冶暴棄自甘則是爾等冥頑無知終
不能率教也旣負栽培復干咎戾予章具在朕亦不能爲
爾等寬矣自茲以往內而國學外而直省鄉校凡學臣師
長身有司鐸之責者並宜傳集諸生多方董勸以副朕懷
否則職業弗修咎亦難追勿謂朕言之不預也爾多士尙
敬聽之哉

正三年五月奉到

聖諭廣訓一本

上諭一部

雍正十二年二月奉到

上諭一部

雍正十三年十月奉

頒學政全書一部

乾隆三年十月奉

頒十三經註疏一十三部

長沙縣學宮志

卷一

頒發書目

五十四

頒廿一史二十一部

乾隆六年六月奉到

欽定化治四書文一部

欽定本朝四書文一部

欽定明史一部

乾隆十年四月奉到

御纂周易折中二部

欽定書經傳說二部

欽定詩經傳說二部

欽定春秋傳說二部

御製日講四書解義一部

御纂孝經近思錄一部

大學衍義一部

御纂性理精義二部

御纂古文淵鑑二部

御纂朱子全書二部

乾隆十三年八月奉到

御批資治通鑑綱目一部

乾隆十五年六月奉到

上諭侵貪黃示一道

長沙縣學宮志

卷一

頒發書目

五

乾隆十六年九月奉到

上諭一部

乾隆十九年九月奉到

欽定清語書一部

乾隆二十年二月奉

頒湖廣省冊結式一部

乾隆二十一年二月奉

頒學政全書一部

乾隆二十二年六月奉

頒三禮義疏一部

乾隆二十三年八月奉到

湖南通志一部

乾隆二十六年三月奉到

欽定樂善堂文集一部

乾隆二十八年六月奉到

御選唐宋詩醇一部

乾隆三十年五月奉到

御選唐宋文醇一部

乾隆三十一年九月奉到

御纂春秋直解一部

長沙縣學宮志

卷一

頒發書目

五

御纂周易述義一部

御纂詩義折衷一部

乾隆三十七年五月奉到

御製文初集一部

御製詩初集一部

御製詩二集一部

乾隆四十九年七月奉到

欽定學政全書一部

嘉慶三年七月奉到

御論一本

嘉慶五年十一月奉

頌佩文詩韻一部

嘉慶七年奉

頌湖南祀典一部

嘉慶十二年奉

頌湖廣冊結程式一部

嘉慶十三年奉到

欽定禮部則例一部

道光元年奉

頌大清通禮一部

長沙縣學宮志

卷一

頌發書目

五七

道光二十七年奉

頌禮部則例一部

學額

順治四年定直省取進童生大學四十名中學三十名小學二十名府學廩膳生員四十名州學三十名縣學二十名衛學十名增廣生員名數同十五年題准取進童生大府二十名州縣十五名小學或五名或四名康熙九年題准大府州縣仍舊中學十二名小學或八名或七名康熙六十一年奉文大學

恩加七名中五名小三名舉行一次雍正元年議准直省各府學遵照

恩詔內大學例加取七名後不為例二年奉

上諭督撫學政會覈人文最盛之州縣小學改為中學中學改為大學大學照府學額取錄永著為例長沙縣歲科試額取進文章二十名歲試取進武童十五名廩生二十名增生二十名二年一貢十三年奉文大學恩加七名中五名小三名舉行一次乾隆六十年乙卯奉文大學

恩加五名中四名小三名後不為例嘉慶元年丙辰奉文大學

恩加七名中五名小三名後不為例嘉慶二十五年庚辰九月奉文大學

恩加七名中五名小三名後不爲例道光元年奉文大學
恩加七名中五名小三名後不爲例道光三十年奉文大學
恩加七名中五名小三名後不爲例

咸豐三年以長沙縣士民於上年守城有功加廣二
名永爲定額文武同後倣此咸豐七年以長沙縣捐輸數逾
十萬加廣十名永爲定額嗣後長沙縣歲科兩試取
進文章以三十二名爲定額歲試取進武童以二十
七名爲定額咸豐八年以二次捐輸加廣四名舉行
一次後不爲例咸豐十年以三次捐輸加廣府學四
名永爲定額縣學暫廣七名後不爲例咸豐十一年

長沙縣學宮志

卷一

學額

堯

奉文

恩加七名後不爲例同治元年以四次捐輸加廣三十七
名後不爲例科考加三十名餘七名歸於下屆歲考同治三年以五次
捐輸加廣十名後不爲例同治五年以長沙弁勇在
陝西捐輸口糧加廣七名後不爲例又以

文廟工竣加廣十名後不爲例

分作五屆取進每屆二名

同治六年以

淮揚水師營中長沙弁勇捐輸口糧加廣二十八名

後不爲例

亦分作數年取進

拔貢

順治十一年題准直省儒學廩生內通行考試經書策論拔取一名著學政將原卷解部本生於布政使司起文投部

廷試康熙十年題准直省各學於一二等生員內遴選文行兼優者考充拔貢二十四年及三十六年各舉行一次府學二名州縣學一名三十九年議准停止選拔六十一年再舉行選拔一次雍正六年奉

上諭六年選拔一次三等生員亦准收考乾隆元年議准拔貢到部考試一二等九卿會同揀選由部引

長沙縣學宮志

卷一

拔貢

卒

見三等停其揀選乾隆二年奏准拔貢到部停其揀選引見七年奉

上諭十二年一舉行永著爲例到部揀選引

見以知縣教職用四十三年拔貢引

見奉

旨以部員用者十有五人經吏部奏定以小京官用

優貢

順治二年題准直省有文行兼優者大學起送二名
小學起送一名赴監康熙二十四年議准府學起送
二名其餘各學起送一名赴監雍正十一年奉

旨各省保送優生廩生准作歲貢附生准作監生乾隆四年
議准大省無過五六名中省三四名小省一二名乾
隆三十四年奉

上諭學政三年任滿舉報照選拔例會同督撫一體考覈果

屬文行兼優准其會銜保題到部彙試分別廩增附

作為貢監

按湖南優貢每屆止二名自同治甲子
科以後奉旨每屆加二名共四名

優貢